

北京圖書館 編

北京圖書館藏珍本
年譜叢刊



第 99 冊

北京圖書館出版社

□ 北京圖書館 編

北京圖書館藏珍本

年譜叢刊

北京圖書館出版社

第 99 冊



第九十九冊目錄

韓湘巖先生年譜	一
原任參將色爾福年譜	七
敬亭自記年譜	八
阿文成公年譜卷一至卷五	一一

序

曩在杭州與嘉興琢如宗兄晨夕過從琢如方治中國算學史始聞青田韓錫胙之名相傳休寧戴震之算學實出韓氏以爲疇人而已繼至碧湖於劉祝羣先生所輯括蒼叢書初集得見其滑疑集乃知其工詩古文辭也繼至南田得見其手書平陰官舍卽事詩從恣古拙有金石氣乃知其擅書法也今春謁劉先生於華陽小築先生出所藏韓氏漁村記傳奇相眎文詞俊拔格律諧和排場生動允稱出色當行之作姚燮今樂考證王國維曲錄均未著錄蓋湮沒不彰久矣益歎韓氏之多才藝前此所見爲未廣也秋劉先生韓湘巖年譜成復出相眎奉讀之餘然後知韓氏之爲政也省風俗療疾苦興水利決滯獄固大有功德於民以多才藝目之猶爲皮相甚矣知人之難也劉先生稟性恬退敝

歷功名四十後卽掛冠歸隱以讀書著述自娛自日寇西侵中原鼎沸南田獨塵飛不到安謐如恆坐擁書城丹黃不輟而成此名著以視廬舍盪然東西奔命如余者奚啻霄壤道書有洞天福地之稱宜已而後之讀是書者庶於韓氏之學術事功瞭如指掌不致如余之冥行索塗徒爲皮相矣劉先生屬爲弁言余重有感焉遂乃忘其嫫陋諾不復辭
中華民國三十二年十二月六日後學平湖錢南揚拜序

韓湘巖先生年譜卷上

同邑後學劉耀東祝羣集



清聖祖康熙五十五年丙申

一歲

九月初十日午時生於青田縣城混元峯麓清溪廟右山下丁公第

四井旁舊宅

宋滑疑集詩八有乾隆乙酉科南開分校於九月十日書榜值余五十初度漫成四律呈主試同考諸公詩又詩五題內子楊瑞人極詩注余與內子同於重陽後

一日午刻生自乾隆乙酉上溯五十年是先生生於此年又詩六歸青田詩註云明青田屬被倭圍城內病渴邑令丁一中鑿六井萃呼爲丁公井余所居門外丁公第四井也又先生著漁邨記署名河干妙有山人全椒吳鏡序曰妙有山人家清溪廟右山下廟右晉同妙有故以妙有顏其書舍河干二合晉其氏族云

先生姓韓名錫胙字介屏又曰介圭號湘巖宋神宗元豐間有永綿者自山西徙家青田永綿生祖述祖述生武補高宗紹興乙丑進士復中博學宏詞科官至集賢院學士武補生懌官江西路廉訪使懌生仲高官朝散大夫十八傳至雲路字敬山鄉飲大賓是爲先生之

高祖

韓族譜行狀青田志

曾祖珩字石珍葬南田山萬阜陽斜

詩六萬阜陽斜謁先曾祖墓磅總千峯頂當時葬事雖山門街日脚石壁穿雲端人喜危途藎

天橫眼界寬邱墳經世代松竹護平安拙宦蓬俱轉遺書墨未殘卅年一歸省延行愧岡壘

祖湄字宗浦號芝溪康熙辛卯處州府學歲貢能文工書法

詩一大雲寺題注寺

壁有先祖芝溪公題詩大字

為邑宿儒家徒四壁立交遊多名賢

縣志

贈朝議大夫祖母

張氏贈恭人葬麗水石帆九重山

詩六石帆九重山謁先大父墓親捧蠶書至朱梲溯墓田雲涵秋水淨霞映曉山妍學行垂真教鄉

邦仰大賢遇窮遲組綬道直待磨礪細草平鋪絃新禽巧侑鏡嵐光青不極長對石帆懸

父榮先字子受縣儒學生員事親以孝行聞

縣志

贈朝議大夫母葉氏

贈恭人葬處州府城少微山麓

詩六奉安二大人柩葬於郡城少微山麓恭誌願復慈棺在艱難遠道歸芒屨朝更暮佳域是耶非於檜臨荒

郡星辰指少微先人曾假履終古託瞻依慈對翠嶽集欣看萬軸圍三巖仙佛舍靈爽共雲飛

康熙五十六年丁酉

一二歲

康熙五十七年戊戌 三歲

康熙五十八年己亥 四歲

康熙五十九年庚子 五歲

讀經書

滑疑其文四柱必照姊夫暨大姊韓安人七旬雙壽序云姊長余九歲余於五六歲初授經書先大夫先恭人命與姊侍坐先人母張恭人之側姊緝花幾緡余讀幾行大母使姊故遲緝毋使余愧不若每晨間大母安則以先至者為勝而姊故緩至使弟勝引之習慣自然也

康熙六十年辛丑 六歲

康熙六十一年壬寅 七歲

世宗雍正元年癸卯 八歲

雍正二年甲辰 九歲

雍正三年乙巳 十歲

雍正四年丙午 十一歲

雍正五年丁未

十二歲

雍正六年戊申

十三歲

雍正七年己酉

十四歲

補縣學生員

文四視楊二希南內兄八十壽序云余年未志學補邑諸生

請業於臨海秦挺

按光緒臨海縣志挺字賢仲康熙間歲貢篤志力學精理數學者稱赤山先生雍正六年選雲和教諭縣僻左塾師謬說相傳挺力振其陋習卒之日弟子皆為制喪服著有白雲樓詩集又按天台齊巨山陳忠亭傳云臨海赤山秦先生為雲和廣文其塔侯森門嘉縉子沐雲錫淳與咫尺交最厚歲已酉沐雲挾咫尺偕至雲和時青田韓湘巖錫胙今山孝廉任禹城令者森門弟子也會造秦署請業咫尺見而奇之後同讀書杭州受業於楊繩武皋里先生相得益彰云滑疑華有輓侯森門先生詩云憶昔遊天台講業造公廬又云其時為何時璽皇建元初

據此考之是乾隆元年之後又嘗請業於森門故齊傳有森門弟子之語又考楊皋里嘗為敷文書院山長見秦雄聲撰森門行述並及韓湘巖為其弟子云

雍正八年庚戌

十五歲

雍正九年辛亥

十六歲

雍正十年壬子

十七歲

鄉試落第

詩八乾隆乙酉南閣分校詩注云余自壬子至甲子鄉試皆落第

雍正十一年癸丑

十八歲

雍正十二年甲寅

十九歲

讀書多福山寺

文四祝楊二希南八十壽序云甲寅歲歲米踊貴汝祖撰余廢學因招余讀書多福山寺寺荒廢無墻垣環崇岡深林與藥畦接跡汝祖即日携升米孟蔬步

至寺授余餐而先封公亦屢至與汝祖坐怪石濯清泉許爾今古及砥行工文梗概且命余作詩文視日晷尺寸期急就每一篇成偶遇一二語佳者兩老人輒相與拊案咨嗟曼歌長吟山谷鎔鉄之聲從虛空相應既而顧余謂不朽之業不盡在科名也小子亦知之否余茫然無以答山後日思之其所屬望者遠矣○按多福寺在縣西芝溪爲楊氏功德院

雍正十三年乙卯

二十歲

讀書西湖

文三九河說云雍正乙卯余讀書西湖上有洛中謝仁修老人安置杭州著有治河法一篇自苦言語樸實不文請余潤色之云

高宗乾隆元年丙辰

二十一歲

娶同邑楊超萬女

文四祝楊二希南八十壽序云余宦遊江南多載幾若忘今乙未之仲冬爲我二內兄楊余南先生八十歲也豈其忘之不忘之則必祝之祝之

而言不能盡情兼不能達言則姑置之耳適內兄之二子曰叙曰爾來其間官舍省余且傳父語謂草木年雖長若輩不計及猶自不覺老倘以爲老而異之而祝之是以老爲難得而覺之不自恤也奚啻

焉況無可祝歟余曰有是哉語之質歟若以質語語之其易楊氏稱芝溪巨族汝高祖仰泉公嗣母家爲後因姓楊汝祖超萬公從遊先大父贈朝議大夫公之門與先封公累贈安慶太守公爲同學友道義以膺名振庠序文筆峭削一時人目爲子雲昌黎復見汝祖即余姑翁也傳聞先嚴於康熙丙申季秋舉余時汝祖亦於是日是時育女均赴義門莊賃金家乳母詢而異之遂締姻盟即汝姑也又云甲寅讀書多福寺明年外舅楊超萬公卒又云楊氏旋歸余

乾隆二年丁巳 二十二歲

八月子作魯生

作魯字得之號雪崖邑附貢生

乾隆三年戊午 二十三歲

春遊紹興

文八借東坡詩較圖自題云余曾於戊午春遊越之片雲菴

乾隆四年己未 二十四歲

爲本縣書院山長

詩三上京四百有頻年山長丹泉側之句考丹泉近混元峯城中混元心極瑞龍各書院建自明代皆在太師山及混元峯下與丹泉相近至清代

先後俱廢乾隆戊寅始建正誼書院先生是時爲山長適際書院絕續之交未詳所在

乾隆五年庚申 二十五歲

有答邑候王代言先生論來易書又答縣尊王代言師論文書文八〇按縣志

職官表乾隆三年至七年列知縣王鴻猷商邱副員代言當即其字經書中有願借同學生徒從神君教令或亦山僻小庠校中之克事其事者是答書時尙爲在庠諸生故系於明年拔貢之前

乾隆六年辛酉 二十六歲

由廩生拔貢 見文四永嘉周氏家譜序〇按是年浙江學政爲鄧鍾岳山東聊城人康熙辛丑狀元

乾隆七年壬戌 二十七歲

赴京謁選有上京四首 秋風瑟瑟滿關津別緒依依在老親眼底行看雲萬里膝前拜飲酒三巡葉落鴻雁江天暮車馬黃河霜雪晨此夫自能知自愛莫

致愁髮忽成銀天漉漉南此度離愁覺倍難私對妾言煩善事恭承親意博徵官齋條行色詩書借澎湃飛流七十灘游子欲歌秋渚晚回頭山見故鄉寒千山萬水夕陽西秋草蕭蕭接舊蹊故里寒蔬憐弟弱長安夢寐聽兒啼身方許國難顧行見吟詩讀漫題進退閒愁渾莫解燈前斟酌兩淒淒頻年山長丹泉側今日風帆夢水頭多愛鳴禽依舊伴遙憐好月冷高樓無才自幸逢明盛有志君其邁等流浪看時駒容易逝莫令蒲柳早傷秋

乾隆八年癸亥 二十八歲

在京師 借東坡著師展圖自題 肄業國子監 韓族譜傳

乾隆九年甲子 二十九歲

在京師

詩九題湯鍾律梁溪撥棹圖詩注云余甲子乙丑間客京師

有九河說

三文

乾隆十年乙丑 三十歲

考授武英殿纂修官留補八旗官學教習有乙丑夏考授武英殿纂

修官承司成夫子留補學職詩

勉隨趨走親中祕豈有文詞括六經留我且眠三里霧傾樽又對半池星孫陽一顧蹄皆駿阮籍相逢眼倍青

從此明河容鼓柁寄棲不似舊時萍

又挽侯彞門先生詩

茫茫天下才微官習馳逐嗚呼未五十遽兆兩楹哭後進復何言大雅不可復緘書江水深南望淚盈掬阿咸自南來再拜問起居報言喜無

恙示我尺素書琅琅千萬字砥礪立廉隅十載几席隔珍此同璫瑱憶昔遊天台請業造公廬文挾遷及固詩追李與蘇謂我正少年可以奮遠圖同謁太史公（謂楊文叔師）酬酢無曲拘遂令謫陋才知名達三吳其時為何時聖皇建元初郡國薦先生束裝抵上都置酒賞新給錢別煮江魚脯哉永決絕乃在西子湖○考臨海縣志侯嘉縉字夷門雍正乙卯選貢乾隆元年舉鴻博與胡稚威齊名方苞箋注禮記每質疑焉舉鴻博不第仍以選貢考職得縣丞乙丑題補溧陽調江寧卒于官年五十生平著作凡數百卷

乾隆十一年丙寅 三十一歲

任八旗官學教習

韓族譜云教習職旗

御賜宋板五經及盛京賦

見詩三絕句十二首詩注未詳何年姑系是歲

乾隆十二年丁卯 三十二歲

任八旗官學教習

順天鄉試中式舉人有登賢書作

應龍明經舉京職守冷官朝昏惟破甑飄泊但諸冠有志驅溫飽無心學叩彈乙科呼姓字羞慰老

親歡○按是科紀昀榜主考為阿克敦劉統勳

冬父母七旬生日有丁卯冬為嚴慈二大人七旬大慶錫胙匏繫京

華南望遙祝及門之士持觥交勸率爾成篇

聽極冷輝融燈息明在案沉沉更漏靜焚焚若已旦酒兩覺微醒四

顧戶踰嶺報言一階雪皓月開夜半今夕意何夕戀親七十算不能依鄉閭拜祝侍帟漫在昔教誨始期望日侃侃上為賢望徒下作循良冠續研無所成乙科仍蕭散飄零久天涯寒甌寂門館聲名空勞勞冬夏惟柔翰賦性況迂拙入俗總冰炭吟詩讀千篇學道擬一貫推窗盼郊坰渺渺水隔岸援琴寫私悃搔首徒三歎

乾隆十三年戊辰

三十三歲

八旗官學教習期滿揀發山東省知縣有教習行留別同館諸君

不君

見浮雲東來似薄羅隨風飄忽成粉波又不見黃鳥飛翔宿林楚關關解戀同棲侶人生會晤不可常
那能對酒默無語蛾蛾學西華門西山空翠連朝昏下有成蹊之桃李上有結佩之蘭蓀金鑄玉營
懸高符牙籤錦軸堆層軒博士弟子英且繁爲之儀表亦已尊教習設官典何曠樹人特自我朝海龍
飛雲從昔師範維新百萬紛驅馳首辨旌旗正方位次開庠校端書詩止戈爲武文柔之元勳胥子來
遠道博延駁俊爲海宇拔其尤者俾師資師資有業敬有禮容汝遠臣集客邸冬賜羔裘煖稱身夏給
輕紗涼適體重茵數廣文旌齋廡自足太倉米五夜星辰散作燈四時風雨清如洗我何人斯學未
成濫分末席環羣英盡書鳥跡復衡許智雖不足心則誠馨如大樂奏韶齔填篋小器諧鉤鏗助教兩
君博時名匡其不逮範以程同儕愛護垂青睞三年一閨敷已并論功不遺將非輕銅章出宰沾光榮
回思作客留神京往還歌笑形體清日或過午漏三更科頭噴薄浮巨觥一韻百篇江河傾方言嘲謔
還憂嚶素琴潑潑流泉鳴敲棋夜月寧無爭木瓜投報來瑤瓊誰云兄弟非友生西風昨夜吹簷檣梧
桐葉落枝崢嶸夕陽銜山烟樹平蕙蕭蕭易水滄波橫飄然買舟問前路天涯魂夢空相縈嗟我去難爲情

又齊河縣三河記

文五〇案先生以知縣官山東嘗三攝齊河縣皆未詳何年此記不知何時
作釋記中宜約禹城同時輩洛兩語似初攝齊河在任禹城之前姑附系於

年是

乾隆十四年己巳

三十四歲

春署平陰縣知縣有平陰縣金牛渠記

文五

又平陰官舍卽事詩

地僻官閒

易散衙茅堂竹徑似山家古人招我夜開卷令節關心春看花陶雜石英經雨見雲浮岳色抱城斜安能脫帽湖西渡醉把魚竿水一涯

九月補禹城縣知縣

乾隆十五年庚午

三十五歲

任禹城縣

夏月迎父母就養禹城縣署

祝楊希南內兄壽序云余幸博一官庚午夏汝姑隨先封公先恭人就養禹城縣署

有禹城縣北鄉順水土河碑記

文五

又禹城縣西鄉韓家砦小簡河溝

記

文五

乾隆十六年辛未

三十六歲

任禹城縣

文四陳守經封君壽序云乾隆辛未冬同昌陳史瞻與臨海秦沐雲孝廉計偕入都過余禹城官舍

有秦沐雲陳史瞻計偕過署適余奉使曹州未晤詩

勞勞悔不極宜跡尙萍飄馬足日塵莽雁飛犬

寂寥故人期遠到滑話定中宵十載湖山月蒼茫不可招○按案錫淳字卽號沐雲臨海人乾隆庚午于鄉中視學浙江取爲優貢乾隆十八年舉順天鄉試副榜明年考補八旗官學教習二十一年舉順天鄉試以教習期滿選平山知縣調瑞金旋授劾歸家貧甚破樓風雨有人所不能堪者嘗主青田正誼書院講席說毛詩令弟子雜採野草一束置座隅講畢取以示之此爲某草其博物類如此乾隆五十一年卒年七十七著有江南集五卷衍樹圖四卷衍樹圖本其父挺遺稿而錫淳補成之又廣題錄三卷試帖箋林八卷陳開基字史瞻青田人乾隆庚午優貢任永嘉訓導幼與韓湘巖同學論者以韓陳並稱韓宦遊四方開基教授里門爲時祭酒學者深尊仰之

有禹城東鄉東趨河碑記

文五

又禹城官舍卽事四首

燕齊南北縣城鄙市區間苦水憑消渴黃塵總

駐節民貧棉襖短地拙訟辭煩又報襄官至雞鳴早出關春霜浮斥鹵夏雪掃碁硝花數鷄冠黃烟斜馬勃燒治經留吉語問疾指邪妖可怪衙前月天風夜夜潮水性終趨下河流自逆奔城傳神禹跡功雖員邱存滯血迷青竟腹浦礙吐吞茫茫千古事倚檻望天關聽訟我何有巡排興不窮麥宜冬後雪果畏暑時風回紇傳書怪天齊作廟雖年來歌飽暖誰謂拙無功

乾隆十七年壬申

三十七歲

任禹城縣有禹城縣南鄉辛寨南北二河碑記

文五

又禹城縣不忍渠

碑記

文五

乾隆十八年癸酉

三十八歲